



Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Traffic**  
**Road Directorate**

**Broj:** 04-14-41998/19

**Datum:** 28.02.2020. godine

Na osnovu člana 64. stav 1. tačka b) i člana 70. Zakona o javnim nabavkama („Sl. glasnik BiH“, broj 39/14) te na osnovu Preporuke o izboru najpovoljnijeg ponuđača broj: 04-14-41998/19 od dana 27.02.2020. godine, Direktor Direkcije za puteve Kantona Sarajevo donosi

**O D L U K U**

*o izboru najpovoljnijeg ponuđača*

**za "Održavanje mostova na području Kantona Sarajevo za period od 2019-2023 godine"**

**I.**

Prihvata se Preporuka o izboru najpovoljnijeg ponuđača broj: 04-14-41998/19 od dana 27.02.2020. godine i okvirni sporazum za javnu nabavku "**Održavanje mostova na području Kantona Sarajevo za period od 2019-2023 godine**" dodjeljuje se ponuđaču **EURO-ASFALT d.o.o. Sarajevo, ponuda broj 04-11-3446 od 11.02.2020. godine**, za ponudenu cijenu od **7.643.683,80 KM bez PDV-a**, kao najbolje ocijenjenom.

**II.**

Prijedlog okvirnog sporazuma o nabavci dostavit će se na potpis izabranom ponuđaču EURO-ASFALT d.o.o. Sarajevo po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

**III.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O B R A Z L O Ž E N J E**

**Postupak javne nabavke pokrenut je Odlukom o pokretanju postupka javne nabavke broj 04-14-41998/19 od dana 27.11.2019. godine.**

**Javna nabavka je provedena otvorenim postupkom.**

**Procijenjena vrijednost javne nabavke bez PDV-a je 5.300.000,00 KM.**

**Obavještenje o nabavci broj: 201-1-3-52-3-124/19 objavljeno je na Portalu javnih nabavki dana 03.12.2020. godine.**

Komisija za javnu nabavku imenovana je Odlukom o imenovanju Komisije za javnu nabavku broj: 04-14-41998-OIK/19 od dana 27.11.2019. godine.

Komisija za javnu nabavku je sačinila Zapisnik o otvaranju ponuda broj: 04-14-41998/19 od dana 11.02.2020. godine, Zapisnik o radu komisije broj: 04-14-41998/19 od dana 27.02.2020. godine, Zapisnik o ocjeni ponuda broj: 04-14-41998/19 od dana 27.02.2020. godine te Preporuku o izboru najpovoljnijeg ponuđača broj: 04-14-41998/19 od dana 27.02.2020. godine, u postupku javne nabavke "**Održavanje mostova na području Kantona Sarajevo za period od 2019-2023 godine**".

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda 1 (jedna);
- Da je blagovremeno zaprimljena 1 (jedna) ponuda;
- Da nijedna ponuda nije neblagovremeno zaprimljena;
- **Da je ponuda ponuđača EURO-ASFALT d.o.o. Sarajevo prihvatljiva;**

U postupku donošenja ove odluke, posebno su cijenjene činjenice da je Komisija za javnu nabavku pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima tenderske dokumentacije.

U postupku ocjene provedenog postupka, Direktor ugovornog organa nije našao razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija za javnu nabavku u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ugovorni organ je prihvatio preporuku Komisije za javne nabavke, posebno cijeneći činjenicu da je izvršeno ispitivanje tržišta u vezi sa nesrazmjerom u cijeni kod procjenjene vrijednosti i dostavljene ponude ponuđača, te da ovaj organ raspolaže sa finansijskim sredstvima za ovu nabavku.

Uvidom u priloženu dokumentaciju je nesporno da je izabrani ponuđač najbolje ocijenjen zbog **najniže cijene**, kako slijedi:

Redni broj	NAZIV PONUĐAČA	PONUĐENA CIJENA U KM	
1.	EURO-ASFALT d.o.o. Sarajevo	7.643.683,80 KM	<i>bez pdv-a</i>
		8.943.110,04 KM	<i>sa pdv-om</i>

Izabrani ponuđač je izabran primjenjujući kriterij najniže cijene, koja je ponuđena u iznosu od 7.643.683,80 KM bez PDV-a.

Iz navedenih razloga, primjenom člana 64, stav 1. tačka b) Zakona o javnim nabavkama odlučeno je kao u članu 1. ove Odluke.

**Pouka o pravnom lijeku:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

M.P.

Direktor

**Dostaviti:**

- EURO- ASFALT d.o.o. Sarajevo
- evidencija
- a/a.

Selmir Kovač dipl. ing. saob.



web: <http://dp.ks.gov.ba>  
e-mail: [dp@dp.ks.gov.ba](mailto:dp@dp.ks.gov.ba)  
Tel: + 387 (0) 33 560-402, + 387 (0) 33 560-426  
Sarajevo, Hamida Dizdara 1

